

En bsondere Stern

Text und Musik: Marco Francioni, 2018

1. Dosse wirts chälter, s'isch Winterziit.

Wenn's chunnt go schneie isch d Wiehnacht nüm wiit.

Schneeflocke falled uf d Erde ganz liis.

Bald wird scho alles ruhig und wiis.

Und am Himmel do funklet en bsondere Stern.

Er lüchtet so hell und seit: Ich ha di gern.

2. Mitenand singe, zonenand ha,

mitenand rede, enander verstah.

Stärne am Himmel, es Liecht uf em Wäg,

das git eus Hoffnig i dene Täg.

Und am Himmel do funklet en bsondere Stern.

Er lüchtet so hell und seit: Ich ha di gern.

3. Mitenand teile, öppis zom gäh.

Wenn's emol Striit git au chönne vergäh.

Glück und au Fride för all mitenand.

Hebed fescht zäme, gänd denand d Hand.

Und am Himmel do funklet en bsondere Stern.

Er lüchtet so hell und seit: Ich ha di gern.

Er lüchtet so hell und seit: Ich ha di gern.